



**Republika e Kosovës**  
**Republika Kosova – Republic of Kosovo**  
**ORGANI SHQYRTUES I PROKURIMIT**  
**TELO ZA RAZMATRANJE NABAVKE**  
**PROCUREMENT REVIEW BODY**



Organi Shqyrtues i Prokurimit (OSHP) – Rruga Migjeni (ish Banka e Ljublanës), Kati V-të, Prishtinë, Kosovë  
Tel: 383 38 312 309 email: [oshp@rks-gov.net](mailto:oshp@rks-gov.net)

**RAPORTI I EKSPERTIT SHQYRTUES**

Eksperti Shqyrtues	Data e pranimit të ekspertit	Date e dorëzimit të raportit	Nr. i lëndës
<b>Agnese Ibrahim</b>	<b>26.09.2024</b>	<b>07.10.2024</b>	<b>2024/0858</b>

**BAZA LIGJORE E SHQYRTIMIT**

Me datën: 16.09.2024, OE “EJONA SH.P.K.”- Prishtinë, ka parashtruar ankesë me nr: 2024/0858, kundër njoftimit për dhënie të kontratës ku është rekomanduar për kontratë OE “Termo Solar Engineering SH.P.K.”- Suharekë, lidhur me aktivitetin e prokurimit: “Furnizimi dhe montimi I chilereve te rinj dhe termopompave ne ndertesast qeveritare” me nr. të prokurimit: "214-24-4897-1-1-1", iniciuar nga Autoriteti Kontraktues (AK) – MINISTRIA E PUNËVE TË BRENDSHME.

Autoriteti kontraktues ka zbatuar procedurë të hapur, lloji i kontratës: furnizim, vlera e parashikuar e kontratës: 194,500 €.

Fazat e procedurës së prokurimit:

Njoftimi për kontratë: 28/05/2024

Hapja e ofertave: 10/07/2024

Vendimi i AK-së: 29/08/2024

Nëse është e përsëritur ankesa, të shënohet se lidhur me këtë lëndë nuk është nxjerr një vendim i mëparshëm i OSHP - së, më Nr. 2024/0858 i dt:16.09.2024.Konform nenit 113, 114 të Ligjit Nr. 04 / L - 042, i plotësuar dhe ndryshuar me Ligjin 04 / L - 237, Ligjin 05 / L - 068, dhe Ligjin 05 / L - 092, Eksperti Shqyrtues i ka shqyrtuar pretendimet ankimore të OE ankues.

**DISPOZITAT E SHKELURA DHE PRETENDIMET ANKIMORE**

--

#### **PRETENDIMI 1)**

AK kërkon sqarime shtese për dokumente të cilat nuk kanë qenë kërkesë e DT dhe as e Njoftimit për Kontrat, duke shkelur kështu Nenin 72. perkatesisht, paragrafi 1) *Asnjë ndryshim material dhe asnjë aspekt i tenderit nuk duhet të kërkohej ose pranohet nga autoriteti kontraktues ose të ofrohet nga një tenderues. dhe Neni 40 - RrPP paragrafi 40.2. Kështu, autoritetet kontraktuese nuk mund të ndryshojnë, modifikojnë ose heqin kërkesa të përcaktuara paraprakisht, kritere ose specifikacione ose të shtojnë disa të reja gjatë ekzaminimit, vlerësimit dhe krahasimit të tenderëve.*

Ne ju kemi përgjigjur AK me një deklaratë ku kemi saktësuar se kërkesa e tyre është në kundërshtim me LPP dhe RrPP si dhe kemi konfirmuar edhe njëherë se produktet dhe shërbimet e ofertuara janë në përputhje të plote me specifikimet teknike, ashtu si edhe deklarata për specifikime teknike që e kemi dorëzuar para hapjes.

**Poashtu kemi deklaruar se, katalogun do e dorëzojmë pas nënshkrimit të kontratës dhe vizitet në terren për aprovim nga AK ashtu edhe siç bëjmë në të gjitha projektet tjera, e posaqerisht me këtë AK.**

#### **PRETENDIMI 2)**

AK shkel Nenin 59 të LPP dhe Nenin 40 të RrPP duke mos kryer Ekzaminimin, Vlerësimin dhe krahasimin e tenderëve sipas ligjit. Pra, AK përveç se kërkon ndryshime të dokumenteve para hapjes AK poashtu shton kritere të reja gjatë ekzaminimit, vlerësimit dhe krahasimit të tenderëve, dhe i përdor ato kritere të sajura për eliminimin e tyre nga gara, veprim ky plotësisht i ndaluar nga LPP.

AK me vendimin e shpallur shkel plotësisht Nenin 59 dhe 40 duke vlerësuar ofertat në bazë të kritereve që nuk kanë qenë në DT dhe as në Njoftimin për Kontrat, dhe për të njëjtat kritere eliminon nga gara dy OE që kanë ofertuar me cmim më të ulët dhe e shpall fitues OE me cmim më të lartë se në prej 35,188.12 euro duke demtuar kështu direkt buxhetin e RKS.

AK poashtu shpall fitues një OE i cili ka dorëzuar katalog më mirë, i njëjti nuk i plotëson kërkesat minimale të produktit të kërkuar.

#### **PRETENDIMI 3)**

AK shkel Nenin 56, paragrafi 3 duke na diskualifikuar nga gara në bazë të një kriteri i cili nuk është cekur në DT dhe Njoftim për Kontrat.

#### **PERFUNDIM:**

**Kërkojmë nga OSHP që të anulohet vendimi i shpallur, të kthejë lenden në rivlerësim dhe të detyrojë AK të bëjë Ekzaminimin, vlerësimin dhe krahasimin sipas LPP dhe RrPP.**

**Kjo tashmë është lenda e dytë që e kemi dorëzuar në OSHP për të njëjtin AK dhe për të njëjtat arsye të eliminimit, andaj këto veprime të AK duket se janë shumë tendencioze ndaj nesh!**

## KRITERET PËR VLERËSIM


<b>Kapaciteti teknik dhe profesional</b> <b>1. 1(Një) Inxhinier i dip. të Elektronikës (ose bechelori) me 2(dy) vite përvojë pune.</b>	<i>Dëshmia e kërkuar dokumentare:</i> <b>1.Diplomat përkatëse e notorizuar nga origjinali, me notorizim 2.kontrata ose marrëveshje e punës valide me punëdhënësin për këtë projekt - kopje; 3.Letër referencë nga punëdhënësit ose çfarëdo dokumenti tjetër që dëshmon për punët dhe përvojën e mëparshme, në lëmin e kërkuar.</b>
<b>2.1(Një) Inxhinier të Makinerisë - Termoelektroteknikë (ose bechelori) me 2(dy) vite përvojë pune.</b>	<b>1.Diplomat përkatëse e notorizuar nga origjinali, me notorizim 2.kontrata ose marrëveshje e punës valide me punëdhënësin për këtë projekt - kopje; 3.Letër referencë nga punëdhënësit ose çfarëdo dokumenti tjetër që dëshmon për punët dhe përvojën e mëparshme, në lëmin e kërkuar.</b>
<b>3. 1(Një) Inxhinier Mekanik (bechelori) me 1(një) vit përvojë pune.</b>	<b>1.Diplomat përkatëse e notorizuar nga origjinali, me notorizim 2.kontrata ose marrëveshje e punës valide me punëdhënësin për këtë projekt - kopje; 3.Letër referencë nga punëdhënësit ose çfarëdo dokumenti tjetër që dëshmon për punët dhe përvojën e mëparshme, në lëmin e kërkuar.</b>
<b>4.2(dy) Teknik</b>	<b>1.kontrata ose marrëveshje e punës valide me punëdhënësin për këtë projekt -kopje</b>
<b>6.Operatorët ekonomikë ose Grupi i OE pjesëmarrës, duhet të kenë kontrata të realizuara për furnizime të ngjashme, shumën e të cilave duhet të jenë minimum 100,000.00 Euro të realizuar në tri vitet e shkuara para datës së publikimit të këtij njoftimi për kontratë.</b>	<b>4. Lista e kontratave, projekteve me të cilën saktësohen furnizimet e përfshira, shumën e kontratës, datën dhe pranuesin. Listës duhet t'i bashkëngjiten dëshmi kopjen e certifikatës (certifikatave) ose referencës, të nënshkruara nga pranuesi i furnizimeve për kontratat dhe projektet e cekura në listë, (kopje).</b>

## RAPORTI I KOMISIONI VLERËSUES

--



Raporti i ekspertit shqyrtues, lidhur me ankesën e parashtruar nga OE "EJONA" SH.P.K., lidhur me aktivitetin e prokurimit "Furnizimi dhe montimi i çilereve të rinj dhe termopompave në ndërtesat qeveritare" me numër të prokurimit: "214-24-4897-1-1-1", të iniciuar nga Autoriteti Kontraktues (AK) – MINISTRIA E PUNËVE TË BRENDSHME



**Republika e Kosovës**  
**Republika Kosova-Republic of Kosovo**  
*Qeveria - Vlada - Government*  
 Ministria e Punëve të Brendshme-Ministarstvo Unutrasnjih Poslova-Ministry of Internal Affairs  
 Departamenti i Prokurimit / Departman za Javnu Nabavku / Department of Procurement

**B58 - NJOFTIM MBI VENDIMIN E AUTORITETIT KONTRAKTUES<sup>1</sup>**  
*Sipas Nenit 43.7 dhe 44.2 të Rregullave dhe Udhëzuesit Operativ të Prokurimit Publik*


**Titulli i kontratës:** "Furnizimi dhe montimi i çilereve të rinj dhe termopompave në ndërtesat qeveritare"

Nr. i Prokurimit <sup>2</sup>	214-24-4897-1-1-1
-------------------------------	-------------------

Nr.	Emri dhe adresa e Operatorit Ekonomik	Vlera totale e ofertave
1	Green Engineering SH.P.K., Orizë, Nr.6, 50000, Gjakovë	166800.00
2	"EJONA" SH.P.K., Zahaq, 30000, Peja	114444.88
3	Termo Solar Engineering SH.P.K., Rr. Zekë Bajraktari, p.n, Suharekë	149633.00
4	EGO ELSA SH.P.K., Rruga e Pejës, p.n, Llapllaselle, 10000, Kosovë	147500.00

**Rezultati i aktivitetit të prokurimit:**

Ministria e Punëve të Brendshme shpërblen me kontratë operatorin Termo Solar Engineering SH.P.K., Rr. Zekë Bajraktari, p.n, Suharekë në vlerë totale të ofertës në shumë prej 149,633.00 Euro.

Data: 29.08.2024  
 Emri dhe mbiemri i ZPP: Agim ISLAMI 

<sup>1</sup> Këtë formulari i bashkangjiten edhe letrat standarde të njoftimeve: B42, B45 dhe B46 (shtoni letra njoftuese sipas nevojës).

Të raportohet në çdo dokument apo kërkesë në lidhje me këtë aktivitet të prokurimit.

B58 - NJOFTIM MBI VENDIMIN E AUTORITETIT KONTRAKTUES
1

INFORMACIONET SHITESË TË MARRA ME ANË TË SQARIME TË KËRKUARA NGA EKSPERTI SHQYRTUES/TEKNIK

n/a

VLERËSIMI SIPAS NENIT 4.1.26 TË LPP

## VENDIMET E MËPARSHME TË OSHP LIDHUR ME RASTET E NGJASHME

n/a

## ARSYETIMI PËR DEVIJIM NGA PRAKTIKA E MËPARSHME

n/a

## PËRGJIGJE NË PRETENDIMET ANKIMORE TË OE ANKUES - "EJONA" SH.P.K.

Sqarim hyrës: OE ankues ka parashtruar ankesë pranë OSHP-së si palë e pakënaqur me vendimin e AK-së. Pretendimet e ngritura nga OE ankues janë shqyrtuar dhe për të njëjtat, sipas mendimit të tij eksperti ka dhënë përgjigje si në vazhdim.

### Pretendimi 1

OE ankues pretendon që: *"AK na ka eliminuar duke vlerësuar ofertat në bazë të kriterëve që nuk kanë qenë pjesë në DT dhe as në Njoftimin për Kontratë. AK këkron sqarime shtesë për dokumente të cilat nuk kanë qenë kërkesë e DT-së dhe as Njoftimit për kontratë. Ne kemi deklaruar se katalogun do e dorëzojmë pas nënshkrimit të kontratës dhe vizitës në teren për aprovim nga AK ashtu siç bëjmë me të gjitha projektet tjera e posaqarisht me këtë AK."*

Eksperti shqyrtues sqaron që sipas dosjes së tenderit dhe njoftimit për kontratë, AK në asnjë kërkesë nuk ka potencuar se operatorët ekonomik ofertues duhet të dorëzojnë edhe katalogun/broshurën apo specifikacionin teknik për produktet e ofertuara. Kërkesa të tilla nuk janë parë as në Aneksi 1-Specifikimet teknike të detyrueshme. AK me datën 22/07/2024 ka dërguar një letër standarde e kërkesës për sqarimin e tenderit, përmes të cilit autoriteti ka kërkuar nga OE ankues dhe operatorët tjerë që të dorëzojnë katalogët nga prodhuesi për pozicionet 1-6 së bashku me përshkrimin e karakteristikave të produkteve.

Si përgjigje ndaj kësaj kërkesë OE ankues me datën 25/07/2024 ka dorëzuar një deklaratë përmes të cilës ndër të tjerash thuhet se pas konsultimit me KRPP-në ju rikujtojmë se AK ka të drejtë të kërkojë informacione shtesë vetëm për dokumentet të cilat janë kërkuar dhe për dokumentet që janë paraqitur gjatë fazës së tenderimit dhe se pas nënshkrimit të kontratës katalogjet do të dorëzohen për aprovim për produktet e ofertuara.

Sipas nenit 56 të Ligjit për Prokurimin Publik, pika 3 e këtij neni ku thuhet se asnjë tenderues nuk do të diskualifikohet ose përjashtohet nga procedurat e prokurimit në bazë të ndonjë kërkesë ose kriteri që nuk është i cekur në njoftimin e kontratës dhe në dosjen e tenderit, atëherë edhe mendimi i ekspertit shqyrtues është se në rastin konkret AK nuk duhet të kërkojë sqarime për kriterë shtesë dhe i njëjti nuk ka të drejtë të eliminojë operatorët ofertues në bazë të

kritereve të reja të cilat më herët nuk kanë qenë pjesë e njoftimit për kontratë dhe dosjes së tenderit.

Megjithatë, duke marrë parasysh natyrën e aktivitetit të prokurimit, përmes të cilit autoriteti kontraktues edhe pse në dosje nuk e ka përfshirë këtë kërkesë, sipas mendimit të ekspertit është e vështirë për AK-në që të vlerësoj ofertat duke mos e pasur të qartë as prodhuesin dhe as modelin e produkteve me të cilat ofertohet. Në rastin konkret sipas ekspertit konsiderojmë që nëse AK nuk ka të drejtë të shtoj kërkesa të cilat nuk kanë qenë në NJK dhe DT, atëherë të paktën operatori ankues mund të dorëzoj një deklaratë me të cilën sqaron se cilit prodhues dhe cilit model i takojnë produktet me të cilat ka ofertuar. Nga kjo çfarë sqaruar konsiderojmë që pretendimi i ngritur është pjesërisht i bazuar.

### **Pretendimi 2**

*"AK shpallë fitues një OE i cili ka dorëzuar katalog mirëpo i njëjti nuk i plotëson kërkesat minimale të produktit të kërkuar."*

Sa i përket këtij pretendimi, OE ankues në ankesë nuk ka qenë aspak i qartë se cilat kërkesa të cilit produkt nuk i plotëson katalogu i dërguar përmes sqarimeve shtesë nga ana e operatorit të rekomanduar, megjithatë në dokumentet e ofruara si dëshmi eksperti ka parë se janë shtjelluar disa specifika të disa produkteve për të cilat edhe AK ka dhënë përgjigje se i ka dhënë qasje OE ankues gabimisht vetëm në njërin katalog andaj sipas tyre edhe pretendimet e ngritura janë bazuar në katalogun e gabuar. Në këtë rast eksperti vlerëson që pas kthimit të lëndës në rivlerësim duhet që të njëjtit ti ofroj qasje edhe në katalogun e dytë në mënyrë që të ngriten pretendimet konkrete duke u bazuar në katalogjet adekuate. Në rastin konkret konsiderojmë që ky pretendim është pjesërisht i bazuar.

### **Pretendimi 3**

*"AK shkel Nenin 56, paragrafi 3 duke na diskualifikuar nga gara ne baze te nje kriteri i cili nuk eshte cekur ne DT dhe Njoftim per Kontrat."*

Për këtë çështje eksperti shqyrtues ka dhënë përgjigje në pretendimin e parë dhe e njëjta përgjigje vlenë edhe në këtë pretendim të ngritur.

## **REKOMANDIMI I EKSPERTIT SHQYRTUES**

Duke u bazuar në sqarimet e lartpërmendura, eksperti shqyrtues i propozon panelit shqyrtues që ankesa e OE ankues të aprovohet si pjesërisht e bazuar, të anulohet njoftimi për dhënie të kontratës dhe rekomandon që lënda të kthehet në rivlerësim.

Raporti i ekspertizës ti dorëzohet:

- Autoritetit Kontraktues – **MINISTRIA E PUNËVE TË BRENDSHME**
- Panelit Shqyrtues – **OSHP**
- OE ankues – **" EJONA " SH.P.K.**

**Agnese Ibrahim**

